


SLUŽBENI
GLASNIKOPĆINE
BREZA

Godina IX Broj: 11.

Breza, 28.12.2007.godine

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 1. i člana 5. stav 2. Zakona o proračunu-budžetu („Službene novine FBiH“, broj 19/06) i člana 19. tačka 3. Statuta Općine Breza („Službeni glasnik Općine Breza“, broj 10/07), Općinsko vijeće Breza na sjednici održanoj dana 26.12.2007. godine, donosi

O D L U K U

o izvršavanju Budžeta Općine Breza za 2008. godinu

I – OPĆE ODREDBE

Član 1.

Ovom Odlukom se uređuje način izvršavanja Budžeta Općine Breza za 2008. godinu (u daljem tekstu Budžet), upravljanja prihodima i izdacima Budžeta, te prava i obaveze korisnika budžetskih sredstava.

Član 2.

Opći dio Budžeta se sastoji od bilansa prihoda i izdataka, a poseban dio sadrži detaljniji raspored izdataka za tekuće transfere.

U bilansu prihoda i izdataka iskazuju se porezni i neporezni prihodi i drugi prihodi i principi, te izdaci utvrđeni za finansiranje javnih izdataka na nivou Općine Breza na osnovu zakonskih i drugih propisa.

II – TRANSPARENTNOST I JAVNOST BUDŽETA

Član 3.

S ciljem obezbjeđenja transparentnosti Budžet prikazuje ukupno i po budžetskim korisnicima analitički sve javne prihode i javne izdatke po računima kontnog plana. S ciljem javnosti upravljanja javnim novcem izvršenje Budžeta Općine Breza će se objaviti, ukupno i po budžetskim korisnicima u „Službenom glasniku Općine Breza“.

III – REVIZIJA I KONTROLA BUDŽETA

Član 4.

Reviziju Budžeta vrši Ministarstvo finansija – Ured za reviziju.

Nadzor nad finansijskim, materijalnim i računovodstvenim poslovanjem te nad zakonitom i namjenskom upotrebom budžetskih sredstava od strane korisnika obavlja Ministarstvo finansija, kao organ sa višeg nivoa, Komisija za nadzor Budžeta formirana od Općinskog vijeća u skladu sa članom 39. Poslovnika o radu Općinskog vijeća Breza, te Komisija za internu kontrolu formirana od strane Općinskog načelnika na osnovu člana 35. Statuta Općine Breza.

Komisija za Nadzor budžeta izvještava Općinsko vijeće o trošenju budžetskih sredstava, u pravilu svakih šest mjeseci.

IV – IZVRŠAVANJE BUDŽETA**Član 5.**

Sredstva Budžeta osiguravaju se budžetskim korisnicima koji su u dijelu Budžeta određeni kao nosioci sredstava po pojedinim pozicijama.

Korisnici Budžeta, sredstva Budžeta koriste samo za namjene koje su određene Budžetom, i to do visine utvrđene u njegovom posebnom dijelu.

Član 6.

Budžetski korisnici sredstava Budžeta koriste uskladu sa svojim godišnjim finansijskim planom.

Član 7.

Služba za privredu, finansije i opću upravu, na prijedlog Budžetskog korisnika može donijeti Odluku o prestruktuiranju rashoda u okviru ukupnog iznosa odobrenog za budžetskog korisnika najviše do 10% ukupno odobrenih rashoda za budžetskog korisnika (član 33. Zakona o proračunima – budžetima u FBiH, broj 19/06).

U okviru odobrenog Budžeta utvrđuje se obim i vrsta rashoda za prestruktuiranje kako slijedi:

- Plaće i naknade troškova uposlenih do 10% ukupno odobrenih rashoda za plaće i naknade.
- Izdaci za materijal i usluge do 10% ukupno odobrenih rashoda za materijal i usluge.
- Tekući grantovi do 10% ukupno odobrenih rashoda za tekuće grantove.
- Kapitalni grantovi do 10% ukupno odobrenih rashoda za kapitalne grantove.

Izuzetno, preraspodjela sredstava dozvoljena je između budžetskih korisnika u okviru odobrenog Budžeta o čemu odlučuje općinski načelnik na prijedlog Službe za privredu, finansije i opću upravu.

Član 8.

Korisnici sredstava budžeta namijenjenih za transfer dužni su najmanje jednom polugodišnje dostaviti izvještaj o namjenskoj upotrebi odobrenih sredstava, kao i o postignutim rezultatima iz aktivnosti koje su tim sredstvima finansirane, Općinskom načelniku – Službi za privredu, finansije i opću upravu.

Član 9.

Prilikom dogovaranja uslova za ispunjenje obaveza koje se podmiruju iz Budžeta, korisnici Budžeta su dužni uzimati u obzir dinamiku priliva i odliva sredstava.

Član 10.

Postupak nabavke roba, radova i usluga obavlja se u skladu sa Zakonom o javnim nabavkama BiH („Službeni glasnik BiH“, broj 49/04, 19/05, 52/05, 8/06, 24/06 i 70/06) i

podzakonskim aktima koji su doneseni u skladu sa Zakonom.

Član 11.

Budžet se izvršava na osnovu mjesečnih i tromjesečnih planova za izvršenje Budžeta, a u skladu sa raspoloživim sredstvima, čime se ujedno utvrđuje dinamika izvršavanja Budžeta.

Član 12.

Općinski načelnik-Služba za privredu, finansije i opću upravu izvršava mjesečno i tromjesečno finansijske planove po korisnicima u skladu sa raspoloživim sredstvima.

Član 13.

Općinski načelnik – Služba za privredu, finansije i opću upravu dostavlja tromjesečno, polugodišnje i devetomjesečne izvještaje Ministarstvu finansija Kantona, kao i godišnji konsolidovani izvještaj, nakon predaje završnog računa u Poreznu ispostavu.

Član 14.

Općinski načelnik je dužan do 30. aprila tekuće godine izvijestiti Općinsko vijeće o izvršenju budžeta za prethodnu godinu, na usvajanje.

Član 15.

Općinski načelnik – Služba za privredu, finansije i opću upravu je obavezan izvijestiti Općinsko vijeće o izvršavanju Budžeta za prvo polugodište fiskalne godine najkasnije do 15. augusta tekuće godine.

Član 16.

Neurošena sredstva po pojedinim stavkama iz mjesečnog plana izvršavanja Budžeta Služba prenosi na iste stavke u naredni mjesečni plan izvršavanja Budžeta u okviru budžetske godine.

Član 17.

Izuzetno, izdaci koji nisu predviđeni ili izdacikoji zahtjevaju prekoračenje (veće od procenta utvrđenog u članu 7. ove Odluke), a na osnovu člana 33. Zakona o proračunima-budžetima u FBiH, („Sl.novine FBiH“, broj 19/06) pojedinih stavki mogu se podmiriti samo uz saglasnost Općinskog vijeća.

Član 18.

Općinski načelnik uz odobrenje Općinskog vijeća odlučuje o budžetskoj rezervi, ukoliko je planirana Budžetom za tekuću godinu. Budžetsko izdvajanje zabudžetsku rezervu nesmiju preći 3% ukupnih prihoda.

Član 19.

Pogrešno ili više uplaćeni prihodi u Budžet vraćaju se uplatiocima na teret tih prihoda. Rješenje o tome donosi Ministarstvo finansija.

Član 20.

Transfer za parlamentarne grupe – vijećničke klubove raspoređivat će se srazmjerno broju vijećničkih mjesta, a koristit će se za poboljšanje uslova za rad istih.

Član 21.

Ova Odluka stupa na snagu danom objavljivanja u „Službenom glasniku Općine Breza“.

Broj: 01/1-02-3996/07
Breza, 26.12.2007. godine

PREDSJEDAVAJUĆI:
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 101. Statuta Općine Breza („Službeni glasnik Općine Breza“, broj 10/07), Općinsko vijeće Breza, na sjednici održanoj dana, 26.12.2007. godine, d o n o s i

O D L U K U
o stavljanju van snage Odluke o odobravanju korištenja kompleksa stadiona
„Rudar“ Breza Nogometnom savezu Bosne i Hercegovine

Član 1.

Ovom Odlukom stavlja se van snage Odluka o odobravanju korištenja kompleksa stadiona „Rudar“ Breza Nogometnom savezu Bosne i Hercegovine („Službeni glasnik Općine Breza“, broj 6/03).

Član 2.

Stupanjem na snagu ove Odluke izvršit će se brisanje uspostavljenog prava vlasništva na parceli označenoj kao:

- k.č.br. 656/4 (s.p.) zv. „Svlačionica – zgrada“ upisano u zk.ul. 1007 k.o. Smrekovica što odgovara k.č.br. 5322 k.o. Breza (n.p.) u površini od 195 m² na kojoj se nalazi pomoćni prateći objekat – svlačionica u ruševnom stanju.

- Brisanje prava korištenja kompleksa stadiona „Rudar“ Breza označenog kao k.č.br. 656/3 k.o. Smrekovica (s.p.) u površini od 17000 m².

Član 3.

Za realizaciju ove Odluke zadužuje se Služba za prostorno uređenje, zaštitu okolice, geodetske i imovinsko-pravne poslove i Općinski pravobranilac.

Član 4.

Ova Odluka stupa na snagu danom objavljivanja u „Službenom glasniku Općine Breza“.

Broj: 01/1-02-3997/07
Breza, 26.12.2007.godine

PREDSJEDAVAJUĆI
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 24. stav 1. Zakona o građevinskom zemljištu FBiH („Službene novine FBiH“, broj 67/05) i člana 19. Statuta Općine Breza („Službeni glasnik Općine Breza“, broj 10/07), Općinsko vijeće Breza na sjednici održanoj dana 26.12.2007. godine, d o n o s i

R J E Š E N J E

1. **PREUZIMA SE** od RMU „Breza“ d.o.o. Breza u svrhu privođenja trajnoj namjeni neizgrađeno gradsko građevinsko zemljište, označeno kao:

- k.č.br. 140/1 upisano u zk.ul.br. 891 k.o. Potkraj (s.p.), u površini od 1000 m²,
- k.č.br. 139/3 upisano u zk.ul.br. 891 k.o. Potkraj (s.p.), u površini od 1900 m²,
- k.č.br. 139/2 upisano u zk.ul.br. 891 k.o. Potkraj (s.p.), u površini od 1800 m²,
- k.č.br. 166/1 upisano u zk.ul.br. 891 k.o. Potkraj (s.p.), u površini od 2260 m²,
- k.č.br. 167/1 upisano u zk.ul.br. 891 k.o. Potkraj (s.p.), u površini od 3130 m²,
- k.č.br. 135/5 upisano u zk.ul.br. 238 k.o. Potkraj (s.p.), u površini od 3050 m²,

a što odgovaraju parceli novog premjera br. 1466/29 k.o. Mahala, u ukupnoj površini od 13140 m².

2. Preuzimanje građevinskog zemljišta vrši se uz naknadu koja će se odrediti u posebnom postupku određivanja naknade, nakon pravosnažnosti ovog rješenja.

3. Zemljišno-knjižni ured Općinskog suda Visoko će po pravosnažnosti ovog rješenja brisati upis dosadašnjeg nosioca prava korištenja na zemljištu iz tačke 1. alineja od 1-5 ovog rješenja, a izvršit će uknjižbu prava korištenja sa dijelom 1/1 ukorist Općine Breza.

U katastarskom operatu na zemljištu iz tačke 1. alineja 6. Izvršit će se brisanje dosadašnjeg posjednika RMU „Breza“ d.o.o. Breza, a izvršit će se uknjižba posjeda u korist Općine Breza sa dijelom 1/1.

O b r a z l o ž e n j e

Urbanističkim planom za grad Brezu predmetno zemljište se nalazi u industrijskoj

zoni, te je iz tih razloga ova služba pristupila preduzimanju određenih aktivnosti usmjerenih na privođenje trajnoj namjeni zemljišta navedenog u dispozitivu ovog rješenja.

U provedenom postupku utvrđeno je da se zemljište iz tačke 1. dispozitiva alineja 1-5 u zemljišnoj knjizi vodi kao državna svojina sa dijelom od 1/1, a RMU „Breza“ d.o.o. Breza vodi se kao organ korištenja, a zemljište iz tačke 1. alineja 6. vodi se kao državna svojina sa dijelom 1/1, a Općina Breza je upisana kao organ upravljanja sa dijelom 1/1.

Takođe, u postupku preuzimanja građevinskog zemljišta u skladu sa članom 24. stav 2. Zakona o građevinskom zemljištu FBiH, izvršeno je saslušanje punomoćnika organa korištenja RMU „Breza“ d.o.o. Breza, koji je izjavio da se ne protive preuzimanju predmetnog zemljišta, jer su Federalno ministarstvo za industriju, energetiku i rudarstvo i Nadzorni odbor RMU „Breza“ d.o.o. Breza odobrili preuzimanje predmetnog gradskog građevinskog zemljišta uz naknadu.

Na licu mjesta izvršena je identifikacija predmetnog zemljišta i utvrđeno je da se radi o zemljištu koje je označeno kao k.č.br. 140/1, 139/3, 139/2, 166/1, 167/1, upisano u zk.ul.br. 891 k.o. Potkraj (s.p.) i k.č.br. 135/5 upisana u zk.ul.br. 238 k.o. Potkraj, koje odgovaraju k.č.br. 1466/29 k.o. Mahala, u površini od 13140 m².

Shodno članu 69. Zakona o građevinskom zemljištu FBiH, odlučeno je da RMU „Breza“ ima pravo na novčanu naknadu.

Kako su se u konkretnom slučaju stekli uslovi iz člana 24. i 43. Zakona o građevinskom zemljištu FBiH za preuzimanje građevinskog zemljišta iz posjeda nosioca prava korištenja, to je riješeno kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor podnošenjem tužbe kod Kantonalnog suda u Zenici u roku od 30 dana od dana prijema rješenja.

Tužba se podnosi neposredno Sudu u dva primjerka.

Ovo rješenje će se objaviti u „Službenom glasniku Općine Breza“.

Broj: 01/1-02-3998/07
Breza, 26.12.2007. godine

PREDSJEDAVAJUĆI:
Općinskog vijeća
Vinko Pandža, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 6. i 44. Zakona o građevinskom zemljištu FBiH („Službene novine FBiH“, broj 67/05), člana 5. Odluke o građevinskom zemljištu („Službeni glasnik Općine Breza“, broj 3/04) i člana 19. Statuta Općine Breza („Službeni glasnik Općine Breza“, broj 10/07), Općinsko vijeće Breza na sjednici održanoj dana, 26.12.2007. godine, d o n o s i

R J E Š E N J E

1. „RADIN PRINT“ d.o.o. Sarajevo, dodjeljuje se na korištenje radi građenja neizgrađeno gradsko građevinsko zemljište označeno kao k.č.br. 663/11, upisano u zk.ul.broj 2991 k.o. Breza (s.p.), što odgovara k.č.br. 1466/30 k.o. Mahala (n.p.) u površini od 9000 m², u svrhu izgradnje proizvodnog objekta.

2. Naknada za dodjeljeno gradsko građevinsko zemljište iz tačke 1. ovog rješenja utvrđuje se u iznosu od 223.325,00 KM.

Navedeni iznos imenovani je dužan uplatiti u roku od 8 dana od dana prijema ovog rješenja na račun Budžet Općine Breza broj: 1602000023507876.

3. Ukoliko dođe do povećanja korisne površine objekata, naknada za uvećani dio – renta će se platiti po ponuđenoj cijeni iz konkursa, a koja će biti utvrđena u postupku izdavanja odobrenja za građenje.

4. Po pravosnažnosti ovog rješenja Zemljišno-knjižni ured Općinskog suda Visoko izvršit će uknjižbu prava korištenja radi građenja na zemljištu iz tačke 1. dispozitiva ovog rješenja u korist „RADIN PRINT“ d.o.o. Sarajevo, sa dijelom 1/1.

5. Ostala prava i obaveze između Općine Breza i korisnika zemljišta iz tačke 1. dispozitiva rješenja regulisat će se posebnim ugovorom.

O b r a z l o ž e n j e

„RADIN PRINT“ d.o.o. Sarajevo, podnio je Komisiji za sprovođenje konkursa za dodjelu neizgrađenog gradskog građevinskog zemljišta u državnom vlasništvu na trajno korištenje ponudu na konkurs u zakonskom roku za neizgrađeno gradsko građevinsko zemljište označeno kao k.č.br. 663/11, upisano u zk.ul. broj 2991 k.o. Breza (s.p.), što odgovara k.č.br. 1466/30 k.o. Mahala (n.p.) u površini od 9000 m², u svrhu izgradnje proizvodnog objekta u industrijskoj zoni Potkraj.

Nakon provedenog konkursa utvrđeno je da je „RADIN PRINT“ d.o.o. Sarajevo od ukupno dvije punovažne ponude, ponudio najveću cijenu u iznosu od 223.325,00 KM, te je komisija predložila da se navedenom ponuđaču dodijeli zemljište označeno u dispozitivu radi izgradnje proizvodnog objekta.

U provedenom konkursu planirana površina objekta iznosi 4253 m², a u dijelu konkursa koji se odnosi na naknade predviđeno je da ukoliko dođe do povećanja površine objekta naknada – renta će se platiti po ponuđenoj cijeni iz konkursa a koja će biti utvrđena u postupku izdavanja odobrenja za građenje.

Na osnovu naprijed izloženog, a shodno članu 25. Odluke o građevinskom zemljištu riješeno je kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici u roku od 30 dana od dana dostavljanja rješenja.

Ovo rješenje će biti objavljeno u „Službenom glasniku Općine Breza.

Broj: 01/1-02-3999/07
Breza, 26.12.2007. godine

PREDSJEDAVAJUĆI:
Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-3997-1/07
Breza, 28.12.2007.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 10/07) prilikom razmatranja Odluke o stavljanju van snage Odluke o odobravanju korištenja kompleksa stadiona „Rudar“ Breza Nogometnom savezu Bosne i Hercegovine, Općinsko vijeće Breza na sjednici održanoj dana 26.12.2007. godine, donosi

ZAKLJUČAK

I

Da se izvidi mogućnost podnošenja tužbe kod nadležnog suda, a na ime naknade štete za izradu projekta stadiona Nogometnog saveza BiH u Brezi i ostalih troškova nastalih prilikom prenosa prava korištenja i prava vlasništva stadiona „Rudar“ na Nogometni savez Bosne i Hercegovine.

II

Zaključak će se realizovati po brisanju uspostavljenih prava u korist Nogometnog saveza BiH u zemljišnim knjigama Općinskog suda u Visokom.

III

Za realizaciju zaključka zadužuje se Služba za prostorno uređenje, zaštitu okoline, geodetske i imovinsko-pravne poslove i Općinski pravobranilac.

Dostavljeno:

1x Služba za prostorno uređenje,

1x Općinski pravobranilac,

1x 01/1,

1x a/a

PREDSJEDAVAJUĆI

Općinskog vijeća

Vinko Pandža, s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-3998-1/07

Breza, 26.12.2007.godine

Na osnovu člana 115. stav 3. Statuta Općine Breza, ("Službeni glasnik Općine Breza", broj: 10/07), prilikom razmatranja rješenja o preuzimanju neizgrađenog gradskog građevinskog zemljišta od RMU Breza označenog kao k.č.br. 140/1, 139/3, 139/2, 166/1, 167/1 i 135/5 u ukupnoj površini od 13140 m², Općinsko vijeće Breza na sjednici održanoj 26.12.2007. godine, donosi

ZAKLJUČAK

I

Da se Rudnik mrkog uglja „Breza“ d.o.o. Breza upozori da ubuduće ne zaključuje nikakve ugovore po pitanju korištenja gradskog građevinskog zemljišta, a shodno odredbama Zakona o gradskom građevinskom zemljištu na osnovu kojih gradskim građevinskim zemljištem upravlja Općinsko vijeće.

DOSTAVLJENO:

1x Direktor RMU „Breza“ d.o.o. Breza,
1x Nadzornom odboru RMU Breza,
1x Služba za prostorno uređenje,
1x 01/1,
1x Arhiva.

PREDSJEDAVAJUĆI

Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-3998-2/07
Breza, 28.12.2007.godine

Na osnovu člana 115. stav 3. Statuta Općine Breza, ("Službeni glasnik Općine Breza", broj: 10/07), prilikom razmatranja rješenja o preuzimanju neizgrađenog gradskog građevinskog zemljišta od RMU Breza označenog kao k.č.br. 140/1, 139/3, 139/2, 166/1, 167/1 i 135/5 u ukupnoj površini od 13140 m2, Općinsko vijeće Breza na sjednici održanoj 26.12.2007. godine, donosi

ZAKLJUČAK

I

Da Služba za privredu, finansije i opću upravu putem građevinskog inspektora izvrši popis i pečačenje svih bespravno izgrađenih građevina na kojima započeti radovi nisu završeni, a na osnovu člana 20. Odluke o legalizaciji bespravno izgrađenih građevina („Službene novine ZE-DO kantona“, broj 15/07).

DOSTAVLJENO:

1x Služba za privredu,fin.i opću upravu,
1x Građevinski inspektor,
1x 01/1,
1x a/a.

PREDSJEDAVAJUĆI

Općinskog vijeća
Vinko Pandža,s.r.

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Broj: 01/1-02-4000/07
Breza, 28.12.2007.godine

Na osnovu člana 115. stav 3. Statuta Općine Breza, ("Službeni glasnik Općine Breza", broj: 10/07), prilikom razmatranja usmene informacije o stanju u Javnoj ustanovi Dom zdravlja Breza, Općinsko vijeće Breza na sjednici održanoj 26.12.2007. godine, donosi

ZAKLJUČAK

I

Da se održi sastanak sa predstavnicima Ministarstva zdravstva ZE-DO kantona, Kantonalnim Zavodom za javno zdravstvo, načelnika Općine Breza i predstavnika JU Dom zdravlja Breza (direktor, predstavnik sindikata i predstavnik Upravnog odbora) u cilju razmatranja stanja u navedenoj ustanovi.

II

Rok za realizaciju zaključka je januar 2008. godine.

III

Za realizaciju zaključka zadužuje se direktor JU Dom zdravlja Breza i Općinski načelnik.

DOSTAVLJENO:

1x Ministarstvo zdravstva ZE-DO kantona,
1x Kantonalni Zavod za javno zdravstvo Zenica,
1x Upravni odbor JU Dom zdravlja Breza,
1x Direktor JU Dom zdravlja Breza,
1x Općinski načelnik,
1x 01/1,
1x a/a.

PREDSJEDAVAJUĆI

Općinskog vijeća
Vinko Pandža,s.r.

SADRŽAJ

199. Budžet Općine Breza za 2008. godinu.
214. Odluka o izvršavanju Budžeta Općine Breza za 2008. godinu.
217. Odluka o stavljanju van snage Odluke o odobravanju korištenja kompleksa stadiona „Rudar“ Breza Nogometnom savezu BiH.
218. Rješenje o prezimanju od RMU „Breza“ d.o.o. Breza u svrhu privođenja trajnoj namjeni neizgrađeno gradsko građevinsko zemljište u površini od 13140 m².
219. Rješenje o dodjeli „RADIN PRINT“ d.o.o. Sarajevo neizgrađeno gradsko građevinsko zemljište u površini od 9000 m², u svrhu izgradnje proizvodnog objekta.
220. Zaključak da se izvidi mogućnost podnošenja tužbe kod nadležnog suda na ime naknade štete za izradu projekta stadiona Nogometnog saveza BiH u Brezi i ostalih troškova nastalih prilikom prenosa prava korištenja.
221. Zaključak da se Rudnik mrkog uglja „Breza“ d.o.o. Breza upozori da ubuduće ne zaključuje nikakve ugovore po pitanju korištenja gradskog građevinskog zemljišta, a shodno odredbama Zakona o gradskom građevinskom zemljištu.
222. Zaključak da Služba za privredu, finansije i opću upravu putem građevinskog inspektora izvrši popis i pečačenje svih bespravno izgrađenih građevina na kojima započeti radovi nisu završeni, a na osnovu člana 20. Odluke o legalizaciji bespravno izgrađenih građevina.
222. Zaključak da se održi sastanak sa predstavnicima Ministarstva zdravstva ZE-DO kantona, Kantonalnim Zavodom za javno zdravstvo, načelnikom Općine Breza i predstavnika JU Dom zdravlja Breza u cilju razmatranja stanja u navedenoj ustanovi.

